

## I. DISPOSICIÓN XERAIS

## Consellería de Economía e Facenda

*Corrección de erros.— Orde do 13 de decembro de 1990 pola que se desenvolve a estrutura orgánica dos servizos centrais da Consellería de Economía e Facenda.*

Advertidos erros no texto da citada orde, publicada no *Diario Oficial de Galicia* número 249, do 20 de decembro de 1990, procede facela oportuna corrección.

—Na páxina 8.008, 1.ª columna, segunda liña, onde di: «do 17 do agosto», debe dicir: «do 17 de agosto».

—Na páxina 8.009, 1.ª columna, onde di: «4.2.2. Servicio de Contas e Análises Financeiras», debe dicir: «4.2.2. Servicio de Contas e Análise Financeira».

—Na páxina 8.010, 2.ª columna, onde di: «5.2.2.1. Sección de Caixas de Aforro e Crédito Corporativo», debe dicir: «5.2.2.1. Sección de Caixas de Aforro e Crédito Corporativo».

## Consellería de Sanidade

*Corrección de erros.— Decreto 303/1990, do 31 de maio polo que se desenvolve a Lei 17/1989, do 23 de outubro, de creación de escalas de persoal sanitario ó servizo da Comunidade Autónoma.*

Advertido erro no artigo 11 do Decreto 303/1990, do 31 de maio, publicado no DOG n.º 111, do 8 de xuño, páxina 3.647, é preciso realiza-la oportuna rectificación:

Onde di:

«Artigo 11.—Intégranse no corpo subalterno da Xunta de Galicia e quedan adscritos á Consellería de Sanidade os seguintes funcionarios transferidos á Xunta de Galicia.

a) Mozos auxiliares de laboratorio a extinguir.

b) Auxiliares psiquiátricos a extinguir.»

Debe dicir:

«Artigo 11.—Intégranse no corpo subalterno da Xunta de Galicia e quedan adscritos á Consellería de Sanidade os seguintes funcionarios:

a) Auxiliares psiquiátricos a extinguir.

b) Auxiliares sanitarios a extinguir. Dentro desta denominación inclúense os funcionarios que á entrada en vigor da Lei 17/1989, do 23 de outubro, ocupen postos de traballo de auxiliar sanitario, mozo sanitario, mozo desinfectador e auxiliar de laboratorio.»

## III. OUTRAS DISPOSICIÓN

## Consellería da Presidencia e Administración Pública

*Orde do 12 de decembro de 1990 pola que se dictan normas de aplicación da disposición transitoria terceira do II convenio colectivo da Xunta de Galicia.*

A disposición transitoria terceira do II convenio colectivo da Xunta de Galicia regula o dereito ó recoñecemento para efectos económicos do tempo de servizos indistintamente prestados en calquera Administración pública, con anterioridade á adquisición da condición de persoal laboral fixo ó servizo da Xunta de Galicia. Dado que tal disposición afecta ás retribucións de gran número de persoal laboral da Xunta de Galicia, cómpre dictalas normas complementarias que aclaren o alcance da referida disposición transitoria convencional, establecendo criterios uniformes para o cómputo e a valoración do tempo de servizos que se van recoñecer e concretar o procedemento que deberá seguirlos interesados.

Na súa virtude, por proposta da Dirección Xeral da Función Pública e en uso das competencias atribuídas pola Lei 4/1988, do 26 de maio, da función pública de Galicia.

## DISPÓÑO:

Artigo primeiro.—Servizos computables e efectos destes:

1.—Computaranse tódolos períodos de tempo de servizos prestados polo persoal laboral fixo da Xunta de Galicia nos termos regulados na disposición transitoria terceira do II convenio colectivo da Xunta de Galicia, excepto nos supostos de prestacións persoais obrigatorias.

2.—Ningún período de tempo poderá ser computado máis de unha vez, aínda cando durante el o traballador prestase servizos simultáneos nunha ou máis esferas da mesma ou de distintas administracións públicas.

Tampouco será computable o tempo de servizos prestados cando, ó romperse o vínculo xurídico coa Administración e recibi-la indemnización correspondente, renunciou o interesado a calquera outro dereito que se puidese derivar de tales servizos.

Artigo segundo.—Valoración dos trienios.

O tempo de servizos previos recoñecido acumúlase por orde cronolóxica e procederase a un novo cómputo de trienios e á súa valoración, conforme ó establecido no artigo 27, b).1, parágrafos 2.º e 3.º, do II convenio colectivo da Xunta de Galicia, retrotraéndose a efectividade económica da devandita acumulación á data de entrada en vigor do II convenio colectivo da Xunta de Galicia.

Artigo terceiro.—Certificacións.

As certificacións do tempo de servizos computables serán expedidas polos xefes das unidades ou dos departamentos de persoal das correspondentes conselle-

rías, ministerios, organismos autónomos, entidades ou corporacións onde os citados servicios foron prestados. As ditas certificacións expresarán así mesmo os medios de proba admisibles en dereito que se tiveron en consideración para expedilas. (Anexo I).

**Artigo cuarto.—Procedemento.**

1.—Iniciárase por instancia do interesado, debendo acompañala certificación ou certificacións a que se refire o artigo anterior.

2.—As solicitudes deberán presentarse perante a Dirección Xeral da Función Pública da Consellería da Presidencia e Administración Pública, que dictará a resolución pertinente.

3.—Para a tramitación dos expedientes a que se refire a presente orde, as solicitudes axustaranse ó modelo que se une como anexo II, debendo reproducirse todas aquelas peticións que se presentasen con anterioridade á publicación do convenio colectivo vixente.

**DISPOSICIÓN DERRADEIRA**

Esta orde entrará en vigor o día seguinte ó da súa publicación no DOG.

Santiago de Compostela, 12 de decembro de 1990.

Dosíteo Rodríguez Rodríguez  
Conselleiro da Presidencia e Administración Pública